



12. september 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuninnga apeqquteqaateqarpunga:

Naalakkersuisunut apeqquteqaatit:

1. **Ernisarfik immikkoortortaqarfiup Kujalleq sulilersitsiniaanerminni ajornartorsiungaatsiarnera qaqugukkut Naalakkersuisut ilisimalerpaat?**
2. **Ernisarfik immikkoortortaqarfik Kujalleq matuneqarnissaa qanga aalajangerneqarpa?**
 - a. **Aalajangiineq kiap tiguaa?**
 - i. **Politikkukut aalajangigaava?**
 - ii. **Immikkoortortaqarfimmi nakorsiartarfiup aalajangigarivaa?**
 - iii. **Peqqinnissaqarfiup aqutsisoqarfiata aalajangigarivaa?**
3. **Ernisarfip immikkoortortaqarfia matuneqarnissaa pillugu Naalakkersuisut qanoq ilisimatinneqarpat?**
4. **Suna peqquaalluni ernisarfittut immikkoortortaqarfiup matuneqarnissaa pillugu aalajangersimanermik Ilaqtariinnermut Peqqinnissamullu ataatsimiitsitaliaq ilisimatinneqanngila?**
5. **Ernisarfittut immikkoortortaqarfiup matuneqarnissaa pillugu suna peqqutigalugu sulisorineqartut ilisimatinneqarsimannngillat?**
6. **Qaqortumi ernisarfittut immikkoortortaq ammaqqinnissaa qulakkeerniarlugu Naalakkersuisut qanoq pilersaaruteqarpat?**
7. **Aasiaat ernisarfittut immikkoortortaq ammaqqinnissaa qulakkeerniarlugu Naalakkersuisut qanoq pilersaaruteqarpat?**
8. **Aasianni ernisarfittut immikkoortortap ammaqqinnissaa pillugu pilersaarutissap ukioq ataaseq sinnerlugu matuma siorna misissuineq aallartinneqarsimasoq qaqgu Naalakkersuisut paasissutissiiniarpat?**
9. **Peqqinnissaqarfimmi nutserisarneq pillugu inissisimaneq Naalakkersuisut ersarissarsinnaanerlunikku?**
 - a. **Qaammamusiaqarlutik qassit sulippat?**
 - b. **Akunnermut akissarsiaqarlutik qassit sulippat?**
 - c. **Qassit nutserinermut ilinniarsimappat qassillu ilinniarsimannngillat?**
 - d. **Peqqinnissaqarfimi nutserisarnikkut pisariaqartitsineq ukiut uku ingerlaneranni qaffakkiartornersoq Naalakkersuisut ilisimatitsisinnaanerlutik:**
 - i. **Ukiut marluk matuma siorna?**



- ii. Ukiut tallimat matuma siorna?
- iii. Ukiut qulit matuma siorna?

10. Peqqinnissaqarfik tamakkerlugu sulilersitsiniaasarnerup ajornartorsiutaanerata aqqani taartaagallartunut aningasartuutit qaffariaateqarnerisa qanoq annertutiginerinut Naalakkersuisut naatsorsuuteqarnerlutik?

11. Naalakkersuisut pineqartumut allanik paassisutissiisinhaanerlutik?

(Inatsisartunut ilaasortaq Anna Wangenheim, Demokraatit)

Tunngavilersuut

Inatsisartuni ataatsimiitsitaliat attuumassuteqartut ilaatigut suliassaraat Inatsisartut Inatsisaat pissaanermik tigumminnittuniit, tassa Naalakkersuisuniit, ilumut malinneqarnersut nakkutigissallugu. Taamaattumik innuttaasut inatsi piusut iluanni ilumut sullinneqarnerat qulakkeerneqarnersut Inatsisartunut ilaasortat ilisimatinneqarnissaat namminnerlu alaatsinaannissaat pingaaruteqarluinnarpooq.

Isumaqpunga innuttaasut akunnerminni minnerunngitsumillu peqqinnissaqarfimmi sulisorisat, ulluinnarni inuaqatigiinni sullissisut, toqqisisimissaannut inisisimaffik erloqinaqisumut ammasumik ingerlatsineq malinnaatisinerlu pingaaruteqarluinnartoq.

Aalassannartuuvoq ernisarfittut immikkoortortaqarfik taama tassanngaannartigisumik matuneqarnera, aammalu Aasiaat immikkoortortatut matuneqarnerata tunngavilersuutigineqartuisa assinganik tunngavilersorneqarluni. Naalakkersuisut naatsorsuuteqarsimagunik Kujallermi ernisarfittut immikkoortortaqarfik taama ajornanngitsigisumik ammarnissaanik nerisorsuuteqarsinnaaneq taava isumaqanngilanga Aasiaat immikkoortortaqarfittut taama aamma ajornartigisariaqanngitsoq. Tamanna ammasorsuarmik immikkut pingarnersiuineruvoq immikkoortitsinerullunilu.

DIS (Dronning Ingrid Napparsimaveqarfia) maannakkorpiaq peqqinnissatigut sulisunik professionaliusunik amigaateqarpooq, nittartakkatigullu inuit naapittarfiisigut arlaleriartumik nalunaartoqarsimalerpoq nutserisunik sulisunik amigaateqarneq peqqutigalugu danskisut sullinneqarnissaq kisimi periarfissaasoq. Piffissami nunatta avataaniit peqqinnissatigut sulisussananik aallernissatsinnut immikkut isiginarnitsinni pisariaqarluinnarpooq aamma nutserisoqarnikkut inisisimanagerput eqqarsaatigissallugu; taamaattumillu aaqqiissutissanik suliniarnitsinni kisitsisit aallaavissat pisariaqartinneqassapput, oqaatsit apeqqutaatinnagit inuaqatigiit tamarmi peqqinnissatigut sullinneqarnerminni assigimmik periarfissiissagutta.

Taassuma avatasigut ernisarneq ernumanaatilimmik appariartuinnavippoq. Siunissami atugarissaarneq qulakkeerniartutsigu Kalaallit Nunaat sulisussatigut amerlanernik pisariaqartitsivoq; taamaattumik naartusut ernisussallu kommuunini angerlarsimaffiminni meerartaarsinnaanissaannut Naalakkersuisut ajornarsaarnerusariaqanngillat.

Pissutsit piviusuniit pisariaqartinneqartut malillugit inatsisit sanassallutigit qinikkatut pisussaaffigaarput. Oqallinnissamut aaqqissusseqqinnissamullu pilersitsivoq, qinikkallu Inatsisartut Inatsisaat aammalu taakkununnga nalunaarusiat atuuttut avaqqullugit peqqinnissatigut innuttaasut sullinneqarsinnaannginnerinut ajornartorsiummut pimoorullugu takunnittariaqarput.

Apeqqutit ullut qulit suliffiusut iluanni akineqareersimanissaat kissaatigaara.